

## ٤- لا ضرر ولا ضرار - مختصر جامع العلوم والحكم - الحديث

### الثاني والثلاثون - شريف علي

شريف علي

بسم الله الرحمن الرحيم. الحمد لله رب العالمين والصلوة والسلام على نبينا محمد وعلى آله وصحبه ومن اتبع هداه الى يوم الدين  
الحادي الثاني والثلاثون عن أبي سعيد الخدري رضي الله عنه - 00:00:00

ان النبي صلى الله عليه وسلم قال لا ضرر ولا ضرار قال النووي رحمه الله حديث حسن رواه ابن ماجة فالدارقطني وغيرهما مسندًا  
ورواه مالك في الموطأ عن عمرو ابن يحيى عن أبيه عن النبي صلى الله عليه وسلم مرسلا - 00:00:19

فاسقط ابا سعيد وله طرق يقوى بعضها ويقول ان الحديث روي رواه ابن ماجة مسندًا متصلًا يعني رواه مالك في الموطأ  
رحمه الله عن عمرو ابن يحيى عن أبيه عن النبي صلى الله عليه وسلم مرسلا - 00:00:41

فاسقط ابا سعيد. يعني اسقط الصحابي رضي الله عنه ابو سعيد الخدري قال وله طرق يقوى بعضها ببعض وله طرق يقوى بعضها  
ببعضه وذكروا في في الشرح يعني سئلوا ان شاء الله لكلام ابن رجب رحمه الله - 00:01:04

قالوا قالوا علمنا النبي صلى الله عليه وسلم امور الدين كافة واوضحها لنا ووضع لنا اسس الحياة الصحيحة التي يسودها العدل  
ويتحمل فيها كل فرد تبعات عمله دون ضرر لغيره. وفي هذا الحديث - 00:01:26  
قاعدة عظيمة من قواعد الدين حيث يقول النبي صلى الله عليه وسلم لا ضرر ولا ضرار اي ليس لاحد ان يضر صاحبه بوجه ليس لاحد  
ان يضر صاحبه بوجه والفرق بين الضرر والضرار - 00:01:48

ان الضرر يحصل بدون قصد وانه اذا تبين لمن وقع منه الضار رفعه يعني هم دلوقتي العلماء فرقوا بين الضرر والضرار فبعض اهل  
العلم قال ان الضرر يحصل بدون قصد - 00:02:10

وانه اذا تبين لمن وقع منه الضرر رفعه يعني مسلما التكيف مسلما جهاز او اي حاجة مسلما تكييف بينزل مية مش عارف  
مش واحد بالك فالميه دي بتنزل - 00:02:34

انت ما تعرفش فالميه دي بتنزل فيتؤدي الى اذى او نزلت على شيء مسلما على حاجة تانية مسلما جهاز او ملابس الناس مسلما غسيل  
ناشرين ولا حاجة فادي الى ضرر - 00:02:49

انت ما تعرفش فده ده بيلحقوه بالقسم الاول لا ضرر فاول لما قالوا لي خلي بالك عشان بس ايه احنا بنتضرر من الحاجة الفلانية دي  
فخالص بيرفع الضرر على طول - 00:03:03

ماشي قلا وقالوا والفرق بين الضرر والضرار ان الضرر يحصل بدون قصد وانه اذا تبين لمن وقع منه الضرر رفعه يعني اول لما يعرف  
خلالص يرفع هذا الضرر قال والضرار يكون بقصد - 00:03:19

ويرضى به اذا تحقق لا هو متعمد وراضي بيده عارف ان هو بيأذى فلان لكن هو ايه ما فيش مشكلة عنده وقيل الضرر ابتداء الفعل  
والضرار الجزاء عليه يبقى نركز. القول الاول قالوا الضرر - 00:03:39

هذا يكون بقصد ولا بغير قصد قالوا الضرر بغير قصد ولما الشخص يعلم بيرفع على طول الضرر ده وقالوا الضرار هو اللي بيكون  
بقصد عن عمد وقيل الضرر ابتداء الفعل - 00:04:03

يعني واحد بيتدى عايز يأذى فلان يضر فلان اضرار بيكون ايه الجزاء عليه هو الثاني بقى مش هيست هو مسلما عمل له مش عارف

عمل له ايه في العربية بتاعته آآ جرح له العربية هو هيقوم جاي في اليوم اللي بعده قوم - 00:04:26

يقطعوا له الكاوتش فتقومي ده يرد خلاص بقى الضرر هو ابتداء الفعل والضرار الجزء قال والاول الحاق مفسدة بالغير مطلقا والثاني  
الحاقها بهما على وجه المقابلة والاعتداء بالمثل وقيل هما بمعنى - 00:04:46

والقول الثالث ان هم بنفس المعنى وتكريرها للتأكيد لا ضرر ولا ضرار. وقيل غير ذلك. وعلى كل ايا كان فهو نهي عن الاضرار بالغير لا  
يجوز لك لا يجوز لك ان انت تؤذني الناس. تتعمد ايداء الناس - 00:05:09

اما بالقول او بالفعل او بالامر اللي هي المادية الممتلكات لا ضرر ولا ضرار يعني انت جيت مسلا عايز ايه عايز تركن فجيت في مكان  
لقيت جراج خاص منع الوقوف - 00:05:34

فيقوم جاي واقف يركن عربته ويمشي وما يسيبش رقم تليفونه ولا يعمل اي حاجة وخلاص تيجي الناس عايزين يدخلوا الجراج  
عايزين يخرجوا من الجراج عايزين يطلعوا عربيات وراهم مصالح مش مهم بقى - 00:05:53

فده هو عمل ايه؟ هو اضر بالناس اذى الناس فالنبي عليه الصلاة والسلام نهى عن عن ان الانسان يتعمد ان هو يؤذني غيره فقال على  
كل فهو نهي عن الاضرار بالغير - 00:06:08

والنبي عليه الصلاة والسلام ضرب امثلة ثم قال صلي الله عليه وسلم وللرجل ان يضع خشبته في حائط جاره وهذا امر من النبي صلي  
الله عليه وسلم للارشاد الى التعاون بين الجيران - 00:06:26

والمعاملة بالتسامح في بعض الامور ومنها الا يمنع جار جاره من وضع الخشب الذي ينتفع به فوق جداره. يعني لو مسلا جارك هينتفع  
بحاجة. مثلا حد من الجيران عايز يعزل مسلا آآ الحيطه بتاعته - 00:06:42

فاحتاج ان هو هيطلع مسلا على السطح عندك على سطح البيت وهي عمل مسلا شيء هيبيقى حائط مسلا بينك وبينه انت مش متضرر  
بحاجة. يعني ده مش هيأثر عليك لكن هو هينتفع - 00:07:00

وبعدين تقول له لأ معلش ما تعملش كده طب هو انت هيعود عليك ما فيش اي ضرر ولا حاجة يقولوا له لا معلش ما تطلع عندي  
على سطح البيت ولا تعمل مسلا ولا تعلي الجدار ده شوية علشان تعمل عزل عشان الحرارة لأ انا ما ليش دعوة. اتصرف - 00:07:14

طب يا عم هتصرف ازاي ما انا لازم اعمله من عندك لازم اطلع من عندك. لا ما ليش دعوة فالنبي عليه الصلاة والسلام قال ان ان  
الجيران يكون بينهم ايه - 00:07:31

منهم التعاون لو في حاجة في مصلحة الجار هي عمل مسلا حيط حاجة في الحيطه مسلا او هيعلق حاجة او هي عمل مش عارف ايه  
وده مش هيعود علي بالضرر او شيء متحمل - 00:07:41

وهيبيقى فيه مصلحة للجار ما تسيبه يا عم يعملها ماشي فما معنى؟ قال وللرجل ان يضع خشبته في حائط جاره فيقول مسلا ايه؟ ان  
كان الجدار ليس من حق واضع الخشبة - 00:07:54

ولا له فيه شركة ولكن من حق الجيران ان ينفع بعضهم بعضا دون الحاق ضرر بأي من الطرفين هو ذكره بقى ايه يعني في في يعني  
في الامر ده امور مسائل منها مسلا الاراضي مسلا اللي هي المشتركة بين الناس الطرق - 00:08:11

آآ وكذلك زي ما قلنا المثال مسلا لو في بيتبين لازقين في بعض وبينهم جدار اه واحد مسلا ممكن يعمل حاجة في الجدار بتاعه يكون  
يترتب عليها اثر ضرر بالجار - 00:08:34

وهكذا فالنبي عليه الصلاة والسلام ذكر هذه القاعدة دي قاعدة عامة النهي عن الضرر والاضرار خصوصا مع خصوصا مع الجار ذكر  
ذكر بعدها يعني آآ ابن رجب هنا عندنا في الشرح بقى - 00:08:49

ماشي حتى الان الامور واضحة قوله صلي الله عليه وسلم لا ضرر ولا ضرار قال ابن رجب رحمه الله اختلفوا هل بين اللفظتين اعني  
الضرر والضرار فرق ام لا فمنهم من قال هما بمعنى واحد. على وجه التأكيد - 00:09:09

والمشهور والمشهور ان بينهما فرقا ثم قيل الضرر ان يدخل على غيره ضررا بما ينتفع هو به. يبقى ده تقسيم تاني يعني بيقول الضرر  
هو هيدخل عليه ضرر وانا هنتفع من ادخال الضرر ده عليك - 00:09:29

زي مسلا المسال اللي احنا بنقوله مسلا هبني مسلا حاجة او هي عمل حاجة في الجدار انا هنتفع لكن هضرك وقيل والضرار ان يدخل على غيره ضررا بما لا منفعة له به - [00:09:55](#)

يعني الاول اضرك علشان انا ايه ؟ استفيد. الثاني لا انا عايز اضرك وخلاص ما ليش اي مصلحة بس اهم حاجة ان ايه ان انت تضر دي المصلحة بتاعتي قال ان يدخل على غيره ضررا بما لا منفعة له به - [00:10:13](#)

كم من منع ما لا يضره هو يعني زي المثال مسلا اللي كنا بنقوله هو لا يتضرر مثلا بشيء والشخص الثاني هيضرر يقول له مسلا عايز آآ مسلا بعد ازنك ممكن مسلا ايه آآ اناحتاج وانا بروي الارض مسلا اسمح لي بس ان انا - [00:10:33](#)

اعمل يقولوا لا مش هسمح لك طب بس هدخل اعمل لا مش هينفع طب ليه انت كده هيضررني ما ليش دعوة ما تضر فهنا ايه هو ادخل الضرر على غيره - [00:10:51](#)

وهو نفسه لا يتضرر كمن منع ما لا يضره ممك اخد؟ لا ما تاخدهاش. طب انا لو ما خدتهاش هيضرر مش مشكلة ما ليش دعوة قال ويضرر به الممنوع - [00:11:08](#)

يتضرر به يعني بمنعه الممنوع قال ورجح هذا القول طائفة منهم ابن عبدالبر وابن الصلاح رحمهما الله عز وجل وقيل الضرر ان يضر بمن لا يضره والضرار ان يضر بمن قد اضر به على وجه غير جائز. يعني - [00:11:23](#)

الضرر ان انت تضر انسان هو ما عملكش حاجة يعني هو عايز يأزبه هو مؤذى وخلاص شخص ما عملكش حاجة فانت تروح تأذيه من غير اي سبب واضطرار ان يضر بمن قد اضر به. يعني واحد اه هو غلط فيك. بس غلطة كده - [00:11:44](#)

انت انت ايه جيت تردها فردتها على وجه غير جائز وعلى كل حال فالنبي صلى الله عليه وسلم انما نفي الضرر والضرار بغير حق فاما ادخال الضرر على احد بحق - [00:12:07](#)

اما لكونه تدعى حدود الله او كونه ظلم غيره فهذا غير مراد قطعا. واما المراد الحق الضرر بغير حق ماشي فهموني يعني مسلا واحد سرق ماشي القاضي هيحكم عليه مثلا اذا توفرت الشروط وانتفت الموانع في حكم عليه بالقطع - [00:12:31](#)

طب ما القطع ده فيه ضرر ايوه هو هنا الشريعة بتراعي المصالح هو فيه مصالح اكبر من مفسدة ان الشخص ده يقع عليه مفسدة ان ايده تقطع. هو نفسه هيقع لمصالح وكذلك المجتمع - [00:13:04](#)

فهنا خلاص القاعدة هنا فيها استثناء واحد مسلا اذى الناس قاعد بيلطخ ويضرب ويعلم ومش عارف ايه وما حدش فلقى يقوم مسلا ايه يقوموا ماسكينه اه اه مسلا يضربوه علقة محترمة - [00:13:21](#)

هو اوقعوا عليه ضرر ليه؟ علشان فيه مصلحة لان هو اذى الناس واضر بالناس لكن لا يتجاوزون الحد او مسلا يوقع عليه غرامة او عقوبة تعزير تأديب وهكذا ماشي؟ فيبيقول هنا ابن رجب فاما ادخال الضرر على احد بحق - [00:13:36](#)

اما لكونه تدعى حدود الله زي مسلا السارق والزاني وقاطع الطريق او كونه او او مسلا قاتل يعني او كونه ظلم غيره فهذا غير مراد قطعا. واما المراد الحق الضرر بغير بغير - [00:13:59](#)

التعزير هو زي نوع تأديب كده التعزير نوع تأديب يعني يعني مسلا ايه فلان مسلا عمل حاجة وال حاجة دي مش عليها حد فيقول لك مسلا هنأدبه او هو مسلا عليه عليه آآ ديون وبيماطل - [00:14:16](#)

ومش عايز يسدد مسلا الديون اللي عليه وده كان سبب في ضرر الناس الثانيين اللي هم لهم فلوس فيجي مسلا قاضي ممك يحكم بشيء مسلا ايه؟ تأديب تأديب له تعزير - [00:14:35](#)

يحكم عليه مسلا بجزء من المال او كده عقوبة ليه تأديبا قال وما يدخل في عموم قوله صلى الله عليه وسلم لا ضرر ان الله لم يكلف عباده فعل ما يضرهم البتة. وده امر ثاني اوسع - [00:14:51](#)

يعنى ايه؟ ان ربنا سبحانه وتعالى لما شرع هذا الشرع وهو العليم الحكيم الخبير اللطيف وتعالى الرحيم لا يشرع شرعا ولا يأمر بامر فيه ايه فيه ضرر على الناس فسبحانه وتعالى لم يكلف عباده فعل ما يضرهم البتة - [00:15:13](#)

فان ما يأمرهم به هو عين صلاح دينهم ودنياهم وما نهاهم عنه هو عين فساد دينهم ودنياهم. يعني لما ربنا سبحانه وتعالى يأمر

الانسان بالصدقة او بالزكاء خذ من اموالهم صدقة تطهيرهم وتزكيتهم. يبقى بعى هنا الصدقة دي ده مصلحة - 00:15:40  
تطهير لك وتزكية واعانة للفقير. الصلاة كذلك الحج والعمرة والصيام. كل دي الاوامر الشرعية في صالح العبد هو عين صالح دينهم ودنياهم. وما نهاهم عنه هو عين فساد دينهم ودنياهم. لما ينهى عن الربا سبحانه وتعالى ان في ظلم - 00:16:00

في ظلم وتجمع رؤوس الاموال عند بعض الناس وفي مظلمة حرب فاذنوا بحرب من الله ورسوله او مثلا ينهى سبحانه وتعالى عن شرب الخمر وتشوف دلوقتي الابحاس اللي بتترتب على اثر شرب الخمر. اما مسلا من الامراض - 00:16:25  
او الحوادث بسبب ان اللي يسوق وهو سكران او اللي ممكن يقتل وهو سكران او اللي مسلا يضرب زوجته دربا يعني وهو في الغرب. وهو سكران وممكن الانسان يقتل اولاده ويفعل اي شيء - 00:16:46

يكسر حاجة مسلا من ممتلكات الناس فربنا سبحانه وتعالى نهى عن شيء وفيه مفسدة شيء يفسد الدنيا والآخرة ما نهاهم عنه هو عين فساد دينهم ودنياهم. قال لا ضرر ولا ضرار - 00:17:05  
لكنه لم يأمر عباده بشيء هو ضار لهم في ابدانهم ايضا ولهذا اسقط الطهارة بالماء عن المريض واحد تعنان ولو لو حط مية على دماغه زي الرجل اللي كان عنده فتحة في دماغه اه دماغه مفتوحة - 00:17:20

وفي جرح فلو اغتسل ممكن يموت فلما استفتني قالوا له لا يعني ما فيش رخصة لازم تغتسل. فاغتسل فمات. فالنبي عليه الصلاة والسلام قال قتلوه قتلهم الله فهنا الشرع اه اه رخص - 00:17:37

لو في حاجة ضرر هتقع عليك لا خلاص يتيمم واسقط الصيام عن المريض والمسافر فهي قاعدة شرعية فيها التخفيف وان ربنا سبحانه وتعالى لا يأمر بشيء الا في الا ويكون هذا شيء فيه النفع - 00:17:57

والخير قال وفي المسند عن ابن عباس رضي الله عنهمما قال قيل لرسول الله صلى الله عليه وسلم اي الاديان احب الى الله؟ قال الحنيف السمح ومن حديث عائشة عن النبي صلى الله عليه وسلم قال اني ارسلت بحنيفية سمحه - 00:18:16

ومن هذا المعنى ما في الصحيحين عن انس ان النبي صلى الله عليه وسلم رأى رجلا يمشي قيل انه نذر ان يحج ماشيا فقال ان الله لغني عن مشيه فليركب - 00:18:40

وفي رواية ان الله لغني عن تعذيب هذا نفسه ان الله لغني عن تعذيب هذا نفسه. فالشاهد الشاهد المستفاد من الحديث ان الانسان لا يعتمد ان يلحق الضرر بالناس. ما تبقاش مؤذني. المسلم من سلم المسلمين من لسانه ويده. لا تؤذني الناس - 00:18:57

بلسانك ولا بيديك لا تتعتمد ايذاء الناس يعني لا تتعتمد ان انت تضر بانسان او اه اما بقى ضرر في الدنيا او ضرر في الدين او ان انت تظلم انسان تأكل حقه لا تتعتمد - 00:19:21

لا ضرر ولا ضرار زي ما انت ما تحبس ان حد يتعتمد ان هو يؤذيك وان هو يعني يضر بك انت ما تحبس ده فكذلك لا تؤذني الناس المسلم من سلم المسلمين من لسانه ويده - 00:19:38

من كان يؤمن بالله واليوم الآخر فليقل خيرا او ليصمت لا ضرر ولا ضرار. فلا ينبغي ان الزوج يتعتمد ان هو اه كما قال الله عز وجل ضرارا لتعتدوا - 00:19:55

هو دلوقتي اه اه مثلا عايزة يطلقها وعليه حقوق في عمل ايه هو يفضل بقى يطلع عينيها ويأخذها بالكلام وبالافعال ويظلمها اه وفي الآخر يقول لها خلاص لو عايزة تخلصي بقى من العذاب الاليم ده - 00:20:14

خلاص ابريني متنازلة عن كل حقوقك تبقى السيدة المسكينة هي عايزة تعمل ايه؟ عايزة تخلص من من الالم ومن العذاب فتنازل فربنا سبحانه وتعالى نهى عن الضرر قال ولا تمسكوهن ضرارا لتعتدوا - 00:20:34

يعني انت ماسكها ما طلقتهاش علشان مش عايزة تديها الحقوق وتعتمد ان انت تذلها وان انت تهينها وان انت تضر بها ده غلط يعني حرام ظلم وكذلك العكس كذلك العكس - 00:20:52

ان المرأة آآتعامل لان الاتجاهين موجودين في الواقع. المرأة آآتعامل بسوء خلق وسوء عشرة. مش عايزة تسمع كلامه وتعامل بندية ويتكبر ولا تحترم الرجل. وكل ما يقول لها على حاجة تقول له لا. اعملني كذا لا - 00:21:11

ا و تمنع تمنع حق الرجل في الفراش وبعدين لما ييجي هو خلاص يعني يقول لها طب انت مش عايزة تعيشي خلاص ما تعيشيش يعني اما تكوني اه مطيبة نعيش بما يرضي الله عز وجل. مش عايزة تعيشي خلاص. هي بتضغط عليه - [00:21:33](#)  
علشان مسلا تكون هي مسلا عايزة تتجاوز جوازة تانية او عندها طموحات مسلا هي بتعارض مع اه فكرة الزواج هي عايزة تنطلق  
وعايزة تعيش ومش عارف وشایفة ان الزواج قيد - [00:21:53](#)

او مسئولية فهي خلاص للأسف بعض النساء آاه هي عاشت في فترة البيت وهي في البيت طبيعة حياة معينة يعني هي عايشة مسلا  
واحدة راحتها بتنزل بتخرج بتروح بتيجي عايزة مسلا تستغل عايزة تعمل حاجة فتيجي تنتقل من - [00:22:06](#)  
الحياة لحياة الكلام ده للرجل والمرأة فهي خلاص دلوقتي انت كنت مسلا طالب وبعدين بقىت آاه زوج في مسؤوليات في زوجة  
ممكن تتعب عندها مشاكل عندها احتياجات نفسية في اولاد فانت دلوقتي بقيت مسئول فما ينفعش تتعامل - [00:22:26](#)  
ان انا لسة في الجامعة اللي هو ايه؟ انا اتجوزت بس عايزة اعيش حياتي زي ما انا زي واحد كان رايح متقدم لواحدة قال لها بصي انا  
الاساس عندي رقم واحد قاعدة القهوة - [00:22:48](#)

وبحب العب بلاي ستيشن وبصحى متآخر فهو هو عايزة مش عايزة ينتقل عن الحياة اللي هي ايه انا زي ما انا هتجوز اه عايزة اتجوز  
عشان اعف نفسي واحد الجانب اللي هو جانب الشهوة - [00:23:01](#)

لكن تحمل المسؤوليات اللي بعدها لأ فانا عايزة ابقى زي ما انا وانت تقلييني على وضع كذلك النساء هي عاشت هي مثلا بتخرج  
بطريقة معينة اهلها كانوا مدینينها مثلا حرية حاجات معينة او هي ما كنش عليها الضغوطات والمسؤوليات ما فيش مش مطلوب -  
[00:23:19](#)

مسلا ان هي تحضر حاجة لزوجها او ان هي تساعده في حاجة او ان هي تأكل الاولاد. او ان هي تصحي وتلبس وتغير وتعمل. فمش  
مستحمل مش مستحملة المسؤوليات دي مش متعددة عليها - [00:23:37](#)

فلما تنتقل من الحياة وده بشوفه كتير في الخطوبة. كتير من الشباب يحكى ان هو في الرؤية هي لأن البنت مش عايزة تتنازل عن  
الحياة اللي هي فيها حرية هي مش قادرة تفهم ان هي تنتقل من كونها بنت - [00:23:50](#)

في بيته والدها عندها بعض الحريات هتنقل لبيت تاني فيه راجل مختلف عنده تصورات مختلفة فيه واجبات وفيه حقوق وفيه  
مسؤوليات فهي عايزة تفضل لأ انت هتيجي بقى تقول لي بقى انزلي حتى تلاقيها من البداية في الرؤية عايزة ت SST كده ايه الولد -  
[00:24:06](#)

تقول له خلي بالك انا بخرج خروجاتي مع صاحباتي عادي وعندي مش عارف كذا عادي وعايز اشتغل عادي والاكل بتاع البيت احنا  
هنعمل فيه ايه؟ انت من النوع اللي بيحب بيطبخ ولا من النوع اللي بيساعد ولا ما بيساعدش - [00:24:27](#)  
احنا دلوقتي مش بنتكلم على ان الرجل يساعد او لا او ان هو لو شاف زوجته مسلا تعبانة هذا من حسن ايه؟ من حسن العشرة الرجال  
المحترم لما يشوف زوجته مسلا تعبانة او مرهقة او مش عارف ايه يخفف عنها - [00:24:43](#)  
يتتحمل عنها يشيل مسلا الاولاد شوية لو هي تعبانة مريضة اه مسلا لسه في حمل مسلا او لسه مخلفة او مش عارف او في  
اوقات مسلا وهن وتعب يتحمل - [00:24:58](#)

ما فيش مشكلة. او يجيب لها مسلا واحدة تساعدها لو هو فيه سعة لكن من البداية المشكلة هنا فين؟ ان البنت من البداية مش عايزة  
تنطلق فكرة ان انا بنت - [00:25:10](#)

بخرج براحتي بروح براحتي في الجامعة بعمل آاه اشتغل زي ما انا عايزة. ليه؟ لأن انا بقىت زوجة فهي بصلة لحياة الحرية مش معنى  
كده ان الزواج ده سجن مش معنى كده - [00:25:25](#)

بس خلينا خلينا بس الايه الاخوات يعني ما تستعجليش في السؤال. مش معنى مش معنى كده ان الزواج نوع قيد لكن الحياة بتتغير  
يعني لازم طبيعة الحياة تتغير زي ما هو مش مقبول من الرجل ان انت كل يوم خارج كل يوم بيلعب ماتش كورة كل يوم قاعد في  
البلاي ستيشن كل يوم - [00:25:45](#)

يعني عايش لنفسه فزوجته عندها احتياجات اولاده عندهم احتياجات عايزين يقعدوا معه فهو عايش قاعد حياته كده. هل ده هيبيقي مقبول بالنسبة للبنت ان هي تعيش مع واحد آآ ليل نهار عايش لنفسه بس - 00:26:07

ده هيبيقي غير مقبول طب انت اولادك محتاجينك في التربية محتاجين مساعدة محتاجين ان انت انا عندي احتياجات نفسية محتاج ان انت تهتم بامور البيت لو حاجة آآ حاجة في البيت بازت ولا محتاجين آآ سباك محتاجين حد بتاع كهربا محتاجين حد مش عارف ايه هو مش موجود اصلا - 00:26:24

ومش باب ايه يعني هو مش متحمي مش عايز يتتحمل مسئولية فده مش مقبول ده مش مقبول. كذلك ايه كذلك من المرأة لا هي من البداية بتستسم او اوضاع معينة. مش المعنى ان هو بعد الجواز هيمعنها بقى عن رؤية اصحابها او ان هي ما تخرجش او ان هي ما ييقاش لها وقت خاص بها. مش ده المعنى - 00:26:42

انا مش بتتكلم عن ده يعني ارجو ان انت تكونوا مستوعبين الكلام اللي انا بتكلم فيه. او اللي لامس شيء من المشكلة دي يبقى فاهم ان احنا بنتكلم عن فكرة - 00:27:02

ان انا لي اسلوب حياة معين فانت اللي هتعود نفسك عليه مش ان انا دلوقتي في مرحلة وہنتقـل لمرحلة تانية فالمرحلة الثانية دي في مسئوليات وفي واجبات فهي خلاص عايزـة تعـيش الحياة دي - 00:27:14

طب انت اتجوزـي ليه لما انت مش مش عايزـة تتحملـي مسئولية انت يعني انت دخلت علشـان تضرـي بالراجل ده طب ما هو الراجل ده عنده احتياجاتـ. هو انا انا يعني آآ يعني آآ ما دام راجـل تزوجـ بقـى هو له احتياجاتـ نفسـية وله آآ له احتياجاتـ عاطـفـية - 00:27:27

فيـا وفيـه مـسؤـولـيات فيـ الـبيـت اـمـال مـيـنـ الليـ هـيرـبـيـ الـولـاد فـانتـ عـاـيزـةـ تـنـطـلـقـيـ وـخـلاـصـ بـقـىـ ايـ حدـ بـقـىـ بـيـشـوفـ ايـ حدـ يـرـبـيـهاـ فـهـنـاـ فـاهـمـينـ آـآـ فـاهـمـينـ الـكـلامـ دـهـ فـكـرـةـ اـنـاـ مـشـ مـلـزـمـةـ فـكـرـةـ اـنـاـ مـشـ عـلـيـ وـاجـبـ طـيـبـ هوـ نـفـسـ الـكـلامـ بـقـىـ تـخـيـلـيـ لـوـ رـاجـلـ كـدـهـ منـ الليـ - 00:27:48

قال لك آآ مـعـلـشـ اـنـاـ مـشـ مـلـزـمـ اـنـاـ آـآـ اـشـوـفـ مـسـلـاـ لـوـ لـقـيـتـ شـغـلـ اـحـسـنـ بـمـرـتـبـ اـحـسـنـ هـيـحـسـنـ مـسـتـوـيـ حـيـاتـنـاـ. اـنـاـ مـشـ مـلـزـمـ اـنـاـ اـعـمـلـ كـذـاـ. وـمـشـ مـلـزـمـ اـنـاـ اـصـحـيـ بـدـريـ وـمـشـ - 00:28:07

مش مـلـزـمـ اـنـاـ اـهـ لـوـ اـنـتـ مـسـلـاـ اـهـ تـعـبـانـةـ اوـديـكـيـ الـمـسـتـشـفـيـ مـشـ مـلـزـمـ اـنـاـ مـسـلـاـ اـهـ غـيـرـ اـنـاـ اـنـفـقـ عـلـيـكـ النـفـقـةـ الـوـاجـبـ اـجـيـبـ لـكـ مـسـلـاـ كـسـوـةـ فـيـ الشـتـاـوـةـ كـسـوـةـ - 00:28:17

الـصـيفـ لـوـ هيـ يـعـنـيـ هيـ ماـ بـتـمـشـيـشـ كـدـهـ اـحـناـ مـحـناـشـ دـاخـلـيـنـ خـنـاقـةـ ماـ حـنـاشـ دـاخـلـيـنـ حـرـبـ يـعـنـيـ تـعـاـمـلـ اـنـاـ دـاخـلـ مـنـ الـبـداـيـةـ اـهـ مـتـحـفـزـ وـمـتـوـقـعـ الـاسـوـاـ وـسـيـ الـظـنـ. وـهـوـ لـازـمـ بـقـىـ اـتـغـدـىـ بـهـ قـبـلـ ماـ يـتـعـشـىـ بـهـ - 00:28:27

وـلـازـمـ اـكـونـ قـوـيـةـ وـابـقـىـ مـاـسـكـةـ نـفـسـيـ كـدـهـ وـبـاشـتـغـلـ عـلـشـانـ هوـ لـوـ اـنـاـ اـحـتـجـتـ حاجـةـ اـعـرـفـ اـجـيـبـهاـ لـنـفـسـيـ وـمـاـ يـبـقـاشـ هوـ الـلـيـ مـتـحـكـمـ فـيـ التـعـاـمـلـ دـهـ يـعـنـيـ دـهـ تـعـاـمـلـ مـشـ صـحـ - 00:28:45

ايـصلـحـ فـيـ بـعـضـ مـعـ بـعـضـ الرـجـالـ يـصلـحـ ماـشـيـ هوـ مـمـكـنـ خـلاـصـ هوـ الـرـاجـلـ بـقـىـ هـيـعـيشـ حـيـاتـهـ كـدـهـ وـخـلاـصـ. لـكـ لـوـ لـوـ عـاـيزـةـ تعـيـشـيـ معـ رـجـلـ بـعـنـيـ اـنـهـ هوـ رـجـلـ عـنـدـ قـوـامـةـ وـلـهـ كـلـمـةـ وـهـوـ الـلـيـ بـيـقـوـدـ - 00:28:59

الـكـلامـ دـهـ لـوـ عـاـيزـةـ تعـيـشـيـ معـ كـدـهـ هوـ لـاـ يـصلـحـ مـعـهـ الـكـلامـ دـهـ عـشـانـ تـبـقـيـ فـاهـمـةـ فـكـتـيرـ مـنـ الـبـنـاتـ اـنـاـ تـعـجـبـتـ يـعـنـيـ كـتـيرـ مـنـ الـبـنـاتـ شـابـ مـسـلـاـ يـرـوـحـ رـوـيـةـ الـوـلـدـ مـاـ شـاءـ اللـهـ رـبـنـاـ بـيـارـكـ - 00:29:12

آآ يعني آآ مـسـتـوـيـ اـجـتـمـاعـيـ كـوـيـسـ مـسـتـوـيـ مـادـيـ كـوـيـسـ آآ عـنـدـ شـقـتـهـ عـنـدـ عـرـبـيـ بـيـشـتـغـلـ يـعـنـيـ ظـرـوفـهـ الـاجـتـمـاعـيـةـ كـوـيـسـةـ وـآآ رـياـضـيـ وـعـلـىـ قـدـرـ مـنـ الـتـدـيـنـ وـيـعـنـيـ شـكـلـهـ مـقـبـولـ. كـوـيـسـ فـالـبـنـتـ مـاـ عـنـدـهـاـشـ ايـ مشـاـكـلـ فـيـ دـهـ. فـتـبـتـدـيـ فـيـ الرـوـيـةـ الـبـنـتـ تـبـتـدـيـ تـنـخـورـ - 00:29:24

انتـ مـنـ النـوـعـ الـلـيـ بـيـسـاعـدـ فـيـ الـبـيـتـ يـعـنـيـ اـيـهـ يـعـنـيـ بـتـسـأـلـيـ السـؤـالـ دـهـ لـيـهـ يـعـنـيـ تـسـأـلـيـ السـؤـالـ لـيـهـ مـنـ يـعـنـيـ مـنـ الـبـداـيـةـ هوـ الـرـاجـلـ رـاجـلـ آآ شـايـفـيـنـ اـنـهـ هوـ عـلـىـ خـلـقـ وـعـلـىـ دـيـنـ وـزـرـوـفـهـ الـاجـتـمـاعـيـةـ كـوـيـسـةـ - 00:29:48

اـنت من النوع اللي بيساعد ؟ طب بالنسبة لـاكل البيت اـنت رأـيك فيه اـيه قال لها يعني اـيه رأـيك فيه اـيه يعني يعني يعني اـنت بالنسبة لك يعني الموضوع ده حاجة اـيـوة بالنسبة لي ان اـنا عـاـيز اـكـل يعني اـنا بشـتـغل - 00:30:06

يعـني تخـيلي لو الـراـجل جـه قـدـع اـنت بالنسبة لك الشـفـل دـه حاجة اـسـاسـية. اـيه رـأـيك ان اـنا هـقـدـع في الـبيـت وـاـنت انـزـلي اـشـتـغلـي وـتـصـرـفـي عـلـي هـيـبـقـى دـه بالنسبة لك شـيـء مـقـبـول هي نفس وـقـع الكلـمـة عـلـى اـذـن الـرـجـل - 00:30:20

لـما يـجيـي يقول له مـسـلا اـيه آـآـآ بالـنـسـبة للـتـرـيـة. يعني حد من الشـبـاب بيـحـكـي لي ان بتـقـول له اـنا عـاـيزـة آـآـآ مـسـلا اـيه ان اـنا اـنا بشـتـغل وـبـرـوحـ من كـزا لـكـزا فـقـال لها طـيـب يعني - 00:30:32

يعـني اـنا مش حـابـبـ اـنت تـشـتـغلـي وـان شـاء الله اـنا مش هـقـصـرـ معـكـ في حاجة وـالـحـاجـات اللي اـنت مـحـتـاجـها باـزـنـ الله يعني يـجيـي لـكـ زـيـادـة. لكن اـنا مش اـيـعني مش مـحـتـاجـ اـنت تـشـتـغلـي لـان دـه هـيـأـسـر - 00:30:44

عـلـي اـنا كـرـجـلـ لي اـحـتـيـاجـاتـ فيـ الـبـيـت وـعـاـيزـ الـبـيـت يـكـونـ مـسـتـقـرـ اـرـجـعـ بـيـتـيـ الـاقـيـ فيـ اـكـلـ حاجـةـ اـكـلـهاـ اـنا بشـتـغلـ وبـشـقـيـ وـبـرـجـعـ عـلـشـانـ الـاقـيـ فيـ اـسـتـقـرـارـ فيـ الـبـيـت - 00:30:57

فـقـالـتـ له لاـ ماـ اـصـلـ اـشـتـغلـ بـرـدوـ اـنا عـاـيزـةـ اـحـقـقـ زـاتـيـ. فـقـالـ لها طـيـبـ لماـ نـخـلـفـ آـآـآ قـالـتـ لهـ خـلـاـصـ يـعـنـي هـنـسـيـبـ الـاـوـلـادـ مـسـلاـ عـنـدـ وـالـدـتـيـ اوـ وـالـدـتـكـ ؟ قـالـ لهاـ خـلـاـصـ طـبـ اـفـرـضـيـ انـ اـحـنـاـ سـافـرـنـاـ رـحـنـاـ مـكـانـ آـآـآ بـعـيـدـ مـسـلاـ عنـ بـيـتـ الـاـهـلـ - 00:31:12

بـيـتـ وـالـدـتـيـ وـوـالـدـتـكـ وـمـاـ حـدـشـ هـيـشـبـلـ اـوـلـادـيـ. قـالـتـ لهـ خـلـاـصـ نـجـيـبـ يـعـنـي آـآـآ مـرـبـيـةـ اوـ وـدـادـهـ يـعـنـي حاجـةـ زـيـ كـدهـ. آـآـآ تـقـعـدـ معـ العـيـالـ. عـشـانـ فيـ الـوقـتـ الـلـيـ اـناـ هـنـزـلـ فـيـ الشـفـلـ - 00:31:27

قالـ لهاـ طـبـ ماـ اـناـ اـتـجـوزـ الدـادـهـ يـعـنـي طـبـ ماـ اـناـ يـعـنـي اـناـ دـامـ ماـ دـامـ هيـ ماـ دـامـ اـنتـ ماـ عـنـدـكـيـشـ وقتـ تـرـبـيـ وـلـادـكـ وـعـنـدـكـ يـعـنـي تـرـتـيـبـ الـاـوـلـويـاتـ رقمـ وـاحـدـ الشـفـلـ. رقمـ وـاحـدـ التـرـتـيـبـ دـيـ جـتـ منـنـينـ - 00:31:40

يعـنـي فـكـرـةـ انـ رـقـمـ وـاحـدـ اـنـ اـناـ اـحـقـقـ زـاتـيـ وـانـ يـكـونـ عـنـدـيـ مشـ عـارـفـ اـيهـ. طـيـبـ ماـشـيـ طـبـ لـيـهـ ؟ اـصـلـ الرـجـالـةـ كـلـهـمـ مشـ عـارـفـ طـبـ لـيـهـ كـلـهـمـ لـيـهـ كـلـهـمـ خـلـاـصـ ماـ فـيـشـ رـجـالـةـ دـلـوقـتـيـ بـتـتـحـمـلـ مـسـئـولـيـةـ وـبـتـشـيلـ وـبـتـشـتـغلـ - 00:31:54

فـاهـمـينـ ياـ شـبـابـ اـناـ بـتـكـلـمـ فـيـ اـيـهـ فـتـلـاقـيـ الـبـنـتـ بـتـبـتـديـ تـنـخـورـ كـدـهـ. اـنتـ اـيـهـ رـأـيكـ فيـ مشـ عـارـفـ هيـ شـوـيـةـ قـضـاـيـاـ بـتـسـمـعـهاـ منـ صـاحـبـاتـهاـ آـآـآ يـعـنـيـ اللـيـ هوـ زـيـ ماـ عـمـرـ رـضـيـ اللـهـ عـنـهـ يـقـولـ عـدـوـاتـ اـنـفـسـهـمـ - 00:32:11

اهـ هيـ تـلـاقـيـ صـاحـبـتهاـ مـطـلـقـةـ. ماـ قـدـرـتـشـ اـنـ هيـ تـنـجـحـ فـيـ حـيـاتـهاـ الزـوـجـيـةـ. مشـ عـلـشـانـ مـسـلاـ فيـ خـلـافـ اوـ لـاـ هيـ هيـ اـفـسـدـ الـبـيـتـ بـسـبـبـ تـصـورـاتـهاـ وـبـسـبـبـ اـفـكـارـهاـ وـكـزاـ - 00:32:26

فـتـيـجيـ ايـهـ شـايـفـةـ صـاحـبـتهاـ مـسـلاـ بـيـتـقـدـمـ لـهـ حـدـ اوـ بـيـتـخـطـبـ فـعـاـيزـ ايـهـ تـدـيـهاـ بـقـىـ الـخـبـرـاتـ بـتـاعـتهاـ دـخـلتـ عـلـىـ جـرـوبـ بـنـاتـ اللـيـ هوـ اـغـلـبـهـ مـثـلـاـ مـطـلـقـاتـ وـاـغـلـبـهـ آـآـآ مـتـبـنـيـنـ الـفـكـرـ آـآـآ النـسـوـيـ - 00:32:41

خـلـاـصـ وـاـنـاـ باـخـدـ بـقـىـ دـولـ اـيـهـ ؟ دـولـ الـمـصـدرـ بـتـاعـيـ طـيـبـ لـهـ لـمـاـ آـآـآ لـمـاـ تـقـعـدـ معـ الـرـاـجلـ وـتـبـتـديـ تـنـكـشـ بـقـىـ فيـ الـحـاجـاتـ دـيـ فيـ الرـؤـيـةـ هوـ يـعـنـيـ لـمـاـ الـاقـيـ وـاحـدـةـ بـتـقـولـ لـيـ اـنـ اـخـبارـكـ اـيـهـ فيـ - 00:32:58

بـطـبـخـ وـلـاـ فـيـ شـفـلـ الـبـيـتـ بـتـسـاعـدـ منـ النـوـعـ اللـيـ بـتـسـاعـدـ طـبـ آـآـآ مـعـلـشـ اـناـ عـاـيزـ اـجـربـ اـنـ اـشـتـغلـ طـبـ اـنـ ماـ بـتـشـتـغلـيـشـ هـتـشـتـغلـ لـيـهـ طـبـ آـآـآ اـنـ دـلـوقـتـيـ هـتـشـتـغلـيـ هـتـنـزـلـيـ منـ كـزاـ لـكـزاـ - 00:33:13

اـحـنـاـ مـشـ بـنـتـكـلـمـ دـلـوقـتـيـ عـنـ اللـيـ مـحـتـاجـةـ الشـفـلـ اوـ اللـيـ بـقـىـ اـحـتـيـاجـ فيـ الـبـيـتـ فـالـشـفـلـ بـقـىـ ضـرـورـةـ فـبـتـحـاـولـ تـشـوفـ شـفـلـ مـثـلـاـ يـتـنـاسـبـ معـ دـيـهـاـ وـمـعـ حـيـاءـهاـ وـانـ هيـ كـتـرـ خـيرـهاـ مـشـكـورـةـ بـتـسـعـيـ آـآـآ بـتـجـمـعـ بـيـنـ حـقـ الـزـوـجـ وـحـقـ الـاـوـلـادـ وـهـيـ مـحـتـاجـةـ اـنـ هيـ تـشـتـغلـ - 00:33:27

عـلـشـانـ تحـطـ فـلوـسـ فـيـ الـبـيـتـ عـلـشـانـ يـقـدـرـواـ يـعـيشـواـ مـسـلاـ يـعـنـيـ مـشـ بـنـتـكـلـمـ عـنـ دـهـ هـيـ مـضـطـرـةـ لـلـشـفـلـ وـبـتـعـفـفـ وـبـتـخـتـارـ شـغـلـانـةـ تـتـنـاسـبـ معـ دـيـهـاـ وـمـاـ فـيـشـ فـيـهاـ مـسـأـلةـ يـعـنـيـ بـقـىـ اـيـهـ شـيـءـ مـنـ الـاـمـورـ الـمـحرـمةـ - 00:33:47

اـولـ تعـاـلـ معـ الـرـاـجلـ تعـاـلـ لـاـ يـلـيقـ اوـ الـكـلامـ دـهـ. مـشـ بـنـتـكـلـمـ عنـ دـيـ يـعـنـيـ بـنـتـكـلـمـ عنـ صـورـةـ اـنـ مـشـ مـحـتـاجـةـ وـاـصـلـاـ مـشـ قـدـامـكـ مـسـلاـ فـرـصـةـ شـفـلـ لـيـهـ لـيـهـ فـيـ خـطـوبـةـ وـلـاـ فـيـ الرـؤـيـةـ الشـرـعـيـةـ تـقـولـواـ لـهـ لـاـ اـناـ عـاـيزـ اـشـتـغلـ - 00:34:02

لما هو بيقول لك انا يعني حاصل انت ما تشتغليش وانا اكفيكي طب ما يفرض افرض هيطلع بخييل طب ما تسائل عليه طب ما دي حاجة تعرف فدي حاجة تعرف من قبل لما يتقدم لنا اصلا - 00:34:18

ليه افترض ان هو بخييل طب ما احنا هنشوف ما نسأل عليه اسأل الناس اللي تعرفه نسأل الوسيط نشوف والدي يروح ويسأل عنه في المسجد ويسأل عنه آآ اصحابه ويسأل عنه الشيخ فلان ويسأل عنه آآ بيذل مجهود. طب ما نعرف يا جماعة - 00:34:33  
يا جماعة فلان ده كريم ولا بخييل فكرة افترض سوء النية وان انا اكون تصوراتي من الواقع اللي حواليا والافكار اللي حواليا واجنب بقى مسألة حسن الظن بالله الاخذ بالأسباب - 00:34:49

ان الانسان بيذل وحتى ان انا لو في شيء من التقصير او النقص ان انا اصبر عليه وان انا احاول مع الوقت ان ان شاء الله الامور تتغير وبازن الله - 00:35:06

يبقى يبقى الحياة بتتمشي كده لكن بنت ترفض مثلا عريس وهو متقدم لها وهو عنده المناسبات عنده ظروفه ما شاء الله ربنا يبارك تمام وهي معجبة به عشان شوية افكار - 00:35:16

طب ما طب ما تتحمللي مسئولية المشكلة بقى فين اللي دخلنا في الكلام ده ان انا اكمل ان انا ادخل وانا مش عايز غير نفسي ولا اكون زوجة ولا فاهمة يعني ايه زواج ولا فاهمة يعني ايه تحمل مسئولية وكذلك الرجل - 00:35:29  
وانا عايشة معك بقى انا هطلع عينك وامنع امنع الحق الواجب ومش عايزه لا عايزه اتحمل مسئولية تربية ولاد ولا عايزه ومش عارف ايه خلاص والحياة تبقى كلها نك - 00:35:47

ولو لو مش عاجبك خلاص طلقني وادبني حقوقني فيبيقي الرجال هو مش قادر ان هو مسلا يدفع القايمه او مش قادر ان هو ما عهوش فيبيقي الرجال بين ان هو لا هو سعيد في البيت يتزوج علشان يتزوج - 00:36:00  
كان السكن ويلاقني واحدة مسلا يطلب منها طلب فيه المعروف آآ مش هتعمل له محاضرة يا حبيبتي ممكن معلش تعملني كوبایة شاي. ولية ليه انا اللي اعمل لك كوبایة شاي - 00:36:15

انت آآ انت صغير انت مامتك في البيت ما علمتكش ازاي تعمل نفسك شاي حبيبتي معلش انا بس محتاج بس افطر محتاج اتعشى لا يا حبيببي قم اعمل نفسك انت ابوهم زي الشحط اهو قم عندك الحاجة. وقم اعمل نفسك - 00:36:25

يعني في الزمة ده ده تعامل اهي دي يعني اه يعني اه دي حياة ده شيء يرضي ربنا سبحانه وتعالى ها يعني اه احنا دلوقتي يعني اللي دخلنا في الباب ده فكرة تعمد الضرر سواء انت زوج او زوجة لا تدعمها زي ما ربنا - 00:36:40

وتعالى قال ولا تمسكوهن ضرارا لتعتدوا. نفس الكلام لا تتعتمدي ان انت تضرري به بالزواج بالافكار السامة اللي في بتبس في عقول النساء وتعتمدي ان انت تسيء اليه من غير داعي من غير سبب. يعني لو لو جيتني تبصي على حاجات ايه يعني ايه المشكلة؟ ان انا احاول ان انا ارضي زوجي. يعني ايه - 00:37:02

فكرة ايه الازمة في كده؟ يا جماعة خدوها قاعدة يعني اي راجل سوي طبيعي يعني انسان ما عندهوش مشاكل عقلية او هو مريض نفسى او هو شر آآ يعني آآ جواه شر انسان - 00:37:27

تسويفي طبيعي محترم طيب ابن ناس ومتربى وعلى دين وخلق لو زوجته احسنت اليه هو ان شاء الله يعني لو هو طبيعي ان شاء الله هيسحسن اليها هو ده ده الاصل - 00:37:42

يعني ما فيش راجل سوي طبيعي صاحي من النوم كده عايز يعمل مشاكل مع مراته فيعني آآ مش عارف ايه اللي دخلنا في الباب ده على كل على كل قال النبي صلى الله عليه وسلم لا ضرر ولا ضرار. من البداية كل انسان آآ يعمل بالقاعدة دي في نفسه ومع - 00:37:54

اخواني لا تتعتمد ان انت تلحق الضرر بالناس ماشي يا شباب واضح هذا وصلى الله على نبينا محمد وعلى الله وصحبه والحمد لله رب العالمين - 00:38:17